

8

D E
SACRATISSIMA
TRINITATE
O R A T I O

HABITA IN SACELLO PONTIFICIO.

AD SANCTISSIMVM D. N.

INNOCENTIVM XI.
PONTIF. MAX.

A FRANCISCO BLANCHINO
Clerico Veronensi Sac. Theol. Doct.



ROMÆ, Typis Dominici Antonij Herculis . 1685.

SUPERIORVM PERMISSV.

011480

1. ОБЩЕЕ СООБЩЕНИЕ
 2. ОБЩЕЕ СООБЩЕНИЕ
 3. ОБЩЕЕ СООБЩЕНИЕ
 4. ОБЩЕЕ СООБЩЕНИЕ
 5. ОБЩЕЕ СООБЩЕНИЕ

...the fact that the *in vitro* and *in vivo* results are in good agreement.

INNOCENTIO XI.

PONT. OPT. MAX.

FRANCISCVS BLANCHINVS FELICITATEM.



PERAT patrocinium
Nominis Tui oratio
ista, **BEATISSIME**
PATER, postquam
argumenti magnitudinem, & Au-
di.

ditorum dignitatem tantam didi-
cit experiri, quantam sperare non
esset ausa. Patere itaque, ut pedibus
Tuis humillimè aduoluta sentiat
se obrutam maiestate recipientis,
quæ fauoris experientia tantæ in-
uocationi prælusit. Optabit illa,
quod Orbis Vniuersus exposcit,
Te nempe adeò longæuum habe-
re, ut fateatur esse diuturnum,
quem vellet æternum.

ORATIO.



DEUM reuereri pronum est omnibus, BEATISSIME PATER, credere necessarium, amare etiam delectabile, narrare mortalibus verbis difficile : difficilius mihi : difficillimum in hoc cœtu . Sed ubi congruentius , quàm in hoc cœtu ? *Laus eius in Ecclesia Sanctorum* . Hic ille sedem , hic altaria , hic Cœlum alterum posuit . Iubeor ipse narrare . Iussu terreor ; allicior tamen : nam & *Cœli enarrant gloriam Dei* , licet eius verbo commoueantur . Laudat Dominum ima tellus , laudant profunda maria , & quæ nutu eius tremunt , etiam tremendo commendant .

Vnum , & Trinum Deum Fides nostra fatetur : nos cum illa adoramus . *Tres enim sunt qui testimonium dant in Cœlo : Pater , Verbum , & Spiritus Sanctus : & hi tres unum sunt* . Diserte Ioannes . Deum dicimus summum bonum , atque adeò vnum : omnium moderatorem , ergò & intelligentem : certè etiam sui . Qua intelligentia ? Fluxili, aduentitia ? Minimè verò ; sed æterna , sed per se stante , sed Verbo-Deo . Intelligentem hunc ne quis minuat , dicat & amantem necesse est . Intelligere enim aperte summum bonum , &
non

non diligere, ne perditissimi quidem, si ita intelligere, possent. Par itaque intelligentiæ erit. Amor, æternus, per se stans, Deus. Tremuistis cum dicerem arcana verba: ipse palpitabam; certus quidem istorum, conscius tamen mei. Cogitabam enim quod demum amore ferri nos oporteret in Deum, à quo tanta donamur intelligentia. Par in Deo sui Amor, quia par cognitio: altera alteri æquatur: vterque actus ex Deo, vterque Deus. Nobis eiusdem rei perceptio est: & licet in nobis sit, est tamen humana maior. Sit itaque etiam amor nobis maior, licet à nobis proficiat. Iam non seruos vocat nos Dominus, sed amicos, & intimæ quidem, ac tertiæ admissionis (vt morem & verba consecrem Imperatorum): *vos autem dixi amicos, quia omnia quaecumque audiui à Patre meo nota feci vobis.* Intelligamus aliquando amicorum esse vim amicitiae intendere mutua amoris concertatione. Referamus benignitati gratiam: amemus intelligere, vt intelligamus amare. Quis recuset præludere Beatorum vicissitudini, quam exoptat. Quis detrectet Deum imitari amantem, quem diligere debet etiam punientem? habere amicum quem gloriarmur habuisse parentem? Si quis dubitat, an colenda sibi sit hæc regia necessitudo, indignus est cui offeratur. Bonos negligere mali hominis est; optimum non appetere ne hominis quidem. Sit itaque æterna nobis cum Deo societas. Communem patriam, commune regnum, communem ipsum cum ipso habemus: quid iam superest, nisi

nisi vt communes & nos ille habeat ? Immò habet , & ante suos nos habuit , quàm nostros faceret : & nostros nos fecit, vt nos haberet ex nobis . Restituat se illi qui dare detrectat . Non fugiemus iura poscentis Dei . Dedat seipsum ingenuus, mancipet seruus, gratus referat, redemptus soluat, restituat debitor, donet amicus .

L A V S D E O .



